



МЕСЯЦА АПРЕЛЯ В 19-Й ДЕНЬ

Преподобнаго отца нашего Иоанна Ветхопещерника

На Господи, возвах: стихирь, глас 5.

Подобен: Преподобне отче:

Преподобне отче Иоанне досточудне, / уязвився
Божественным желанием / тебе ради на земли
волею странствовавшаго / и от Девы в плоть
облекшася Христа Бога, / в чужду страну,
отче, достигл еси, / всех сладких мира, мудре,
отчуждил еси, / до конца себе, преблаженне, /
странен пожил еси, добродетели стяжав: / стояние
всенощное, поучение смертное, / и обуздal еси
страсти воздержанием твоим, / ревнитель явлься
прежде тебе постившимся, / с нимиже и просла-
вился еси.

Преподобне отче Иоанне преславне, / учився в
стаде Божественнаго Харитона, / почерпл еси, яко
губа, и налия, / сего Божественному поревновав
пути, / и, в безмолвии житие изжив, / сподобился
еси честнаго священнодействия, / быв достоин
жрец, / закалая, яко непорочен агнец, всегда / и,
очищаемь Божественными зарями / и просвещая
ся умом и мыслию, / вознеслся еси в видения
тайная, / ко изрядному блаженству.

Преподобне отче Иоанне преблаженне, / силою
Тройческою укрепляемь, / еретическаго вреда от-
бегл еси всего, / прилепился еси сущему, мудре, /
видением и деянием Божественным, / и достигл еси

всех желаемых, / к крайней, блаженне, Божественней славе, / юже войстинну получил еси достойно по кончине, / и радуешься, со Ангельскими лики / сооблистая и Богу предстоя. / Темже помяни творящих твою память достойно, досточудне.

Слава, и ныне, Богородичен:

Кому уподобилася еси, душе, / успеваючи в горших всегда / и прилагаючи безумно твоим язвам струпы множайшия, / яко всетелесней быти язве? / Не помышляючи, яко Судия приближается, / Емуже предстанеша восприняти по деянием вины и томления. / Но, обратися, припадй к Деве, зовущи: / Владычице, Владычице, не презри мя, / прогневавшего Бога Благословиваго, / из Тебе на спасение человеком рождаемого / и распятого плотию.

Крестобогородичен:

Егда Грозд, не насажден сущ, / яко лоза, отраслила еси, / узревши на Древе повешена, / прободена же копием в Божественная ребра, / что сие, — глаголаше, — Сыне и Боже Мой? / Како, иже недуги вся и страсти исцеляяй, / страсти терпиши, / безстрастен сый по естеству Божественному? / Что Ти безблагодатнии людие, Благодетелю, / сия воздаша вместо благодетельных? — / вопияше Пречистая. / Но Того страстьми страстей мя свободити моли непрестанно, / яко да славлю Тя.

Канон, глас 4.

Песнь 1

Ирмос: Моря черную пучину / невлажными стопами / древний пешествовав Израиль, / крестообразными Моисеевыми руками / Амаликову силу в пустыни победил есть.

Надежду, яже к Богу, укрепляемь от юности, / Благому притекл еси Богу, Иоанне блаженне, / монашескими пощением лучшими составляяся.

Богатыя и светосносная благодати исполнен / и в честных местах живый, честно положил еси / к добродетелем ведый восхождения, преблаженне.

Крепостию наставлен быв Духа, / в Харитонову Богоносного ограду притек, / в той пребыл еси,

священнодейственник быв просвещён, чистителю.

Отчуждив от земных, преподобне, твою мысль, / Небесным сию благим, Иоанне, пригвоздил еси / и еже отгуду улучил еси светлейшее сияние.

Богородичен: Из Тебе, обрадованная Всечистая, / нам явился Правды Солнце—Христос / и светом просвети сидящая पहले в темных твердех.

Песнь 3

Ирмос: Веселится о Тебе Церковь Твоя, Христэ, зовущи: / Ты моя крепость, Господи, / и прибежище, и утверждение.

Умертвив плотское воздержанием известным мудрование, / Животворящему Духу, отче Иоанне, приблизился еси.

Божественное и светозарное в сердце твоём / яве сияние светло вселися, / отче Иоанне блаженне.

Богородичен: Ты едина сущим на земли паче естества / благим Ходатаица, Мати Божия, была еси: / темже Тебе—радуйся!—зовём.

Седален, глас 8.

Подобен: Премудрости:

Божественным желанием, блаженне, душу уязвив, / устранился еси, богатство оставль, / пищу, и светлость, и жития нестойтельное, / и во странах чуждых всечестно пожил еси; / воздержания болезными увядил еси тело твоё / и, безмолвием пожив мужески, / достигл еси, преподобне, добродетелей совершение. / Темже верою вопиём ти: / моли Христа Бога грехов оставление подати / чтущим любовьию святую память твою.

Слава, и ныне, Богородичен:

Яко Деву и едину в женах, Тя, без семене рождшую Бога плотию, / вси ублажаем, роди человечести, / Огнь бо вселися в Тя Божества, / и яко Младенца млеком питаеши Зиждителя и Господа. / Тем, Ангельский и человеческий род, достойно славим пресвятое рождество Твое / и согласно вопиём Ти: / моли Христа Бога согрешё-

ний оставлѣние даровати / поклоняющимся вѣрою пресвятóму рождеству Твоему.

Крестобогорóдичен:

Агница, и Пáстыря, и Избáвителя Агница зряци на Крестѣ, / восклицáше, плáчуши, и, гóрько рыдáющи, вопияше: / мир úбо рáдуется, приѣмля Тобóю избавлѣние, / утрóба же Моя горит, зряци Твое распятие, еже терпиши за милосѣрдие мило-сти. / Долготерпелíве Гóсподи, милости бѣдно и истóчнице неисчерпáемый, / умилосѣрдися и дáруй согрешѣний оставлѣние / вѣрою поющим Божѣственныя страсти Твоя.

Песнь 4

Ирмос: *Любвѣ рáди, Щѣдре, Твоегó образа / на Крестѣ Твоем стал еси, / и растáяшася язъцы, / Ты бо еси, Человеколóбче, / крѣпость моя и хвалѣние.*

В Богозáрных странах воспитán / и светозáрным пролѣтием, óтче, просвещáемь, / добродѣтелями и воздержáньми, Богомúдре, пожил еси.

Отчуждѣвсь отѣчества и твоих, / ко Христóу приступил еси вóльным хотѣнием, / крест взем, Богомúдре блаженне.

Мертв всем вѣдимым жízненною Виною, / воздержáнием пожил еси, Иоáнне премúдре, / к Немýже и отшел еси.

Богорóдичен: *Иже во Твою утрóбу, Дѣво, Богоприятную, пáче естества вселѣся, / Сей и по рождествѣ Божѣственнойю сѣлою Тя Дѣву соблюде.*

Песнь 5

Ирмос: *Ты, Гóсподи, мой свет / в мир пришѣл еси, / Свет Святый, обраща́я из мрачна невѣдення, / вѣрою воспевáющия Тя.*

Ум, óтче, чист безмóлвием стяжав, / Дúха Святаго сѣлою / вражиих сѣтей отбѣгл еси.

Благодáтию Бóжиею, и премúдростию, и учѣнии пожил еси, Богоявлѣнне, / священник быв, преблаженне святителю.

Богорóдичен: *Вси рóди благочѣстно блажат Тя, Пречѣстая, / рóждшую пáче естества и слóва войстинну Блаженнаго.*

Песнь 6

Ирмос: *Пожру́ Ти со гла́сом хвалéния, Гóсподи, / Цéрковь вопиéт Ти, / от бесóвския крóве очíщшися / рáди мíлости от ребр Тво́их / истéкшею крóвию.*

Премудрости рачитель быв Божественныя, Богодухновенне, / благодатей венцем от нея венчался еси, / всеми образы светонбсному ученик быв Харитону.

Поставил еси на Христове камени но́зе твой, / дeтельми восходя добродетелей, Богомудре, / богоразумно восхождения в сердца твоём, отче, полагая.

Богородичен: *Кля́твы пéрвыя ма́тере, Е́вы, рождеством Тво́им свободíхомся: / Ты бо, Христа́ рóждши, Дéво Ма́ти, / вмéсто сея́ благословéние всем источíла еси́.*

Песнь 7

Ирмос: *В пещи́ Авраáмстии óтроцы персидстей / любóвию благочéстия пáче, / нéжели пла́менем, опаля́еми, взыва́ху: / благословéн еси́ в хра́ме сла́вы Твоея́, Гóсподи.*

Силою Божественною, яко одеждею, обложен, / всякия напасти еретическия отбегнути возмогл еси, преблаженне, / благословен еси, — вопия, — в храме славы Твоея, Господи.

Странствовавый нас ради на земли Господь, / Сей во странничестве, блаженне, ты яве сохрани, зовуща: / благословен еси в храме славы Твоея, Господи.

Богородичен: *Вь́шняго освящённое Божéственное селéние, раду́йся! / Тобóю бо дадéся радóсть, Богорóдице, зовущим: / благословéна Ты в жена́х еси́, Всенепорóчная, Влады́чице.*

Песнь 8

Ирмос: *Ру́це распротёр, Дани́ил / львов зия́ния в рóве затчé; / óгненную же сíлу угаси́ша, / добродéтелию препоя́савшеся, / благочéстия рачи́тели óтроцы, взыва́юще: / благослови́те, вся дела́ Гóсподня, Гóспода.*

Красен телом и душею и благочестием твоим,

преподобне, / и Божественнаго разума орган, и заповедем ближнейший, / и пения чистаго цевница был еси, воспевая: / благословите, вся дела Господня, Господа.

К безсмертней убо жизни, и некончаемому блаженству прешел еси, преподобне, / и нетленное сподобился еси радование улучшить, поя, блаженне: / благословите, вся дела Господня, Господа.

Богородичен: Оттрясаем прах мертвенный, / нетленни бывше / Божественным рождеством Твоим, Пречистая: / естественную бо истинную Жизнь и присносущную, Чистая Владычице, родила еси. / Темже вси Тя благословим, Марие Богоневестная.

Песнь 9

Ирмос: Камень нерукосечный / от несекомья горы, Тебе, Дево, / краеугольный отсечеса, / Христос, совокупивый разстоящаяся естества. / Тем, веселящися, Тя, Богородице, величаем.

Кончину всеблаженную обрел еси воздержания подвигом, / отче Иоанне, ко Христу отшед, / и по смерти к безстрастней и неболезненной жизни вселился еси, священне.

В земли, отче, кратких вселитися сподобился еси, / якоже подобник быв молчальным и Богоносным мужем, / с нимиже яве восприял еси, преподобне блаженне, наслаждение.

Богородичен: Источник безсмертия нам источила еси, Дево, / и оставления воду, Христа рождши, / Имже очищаемся от всякия скверны греховныя, Богоневесто.

Преподобный Иоанн Ветхопещерник жил в VIII веке. С юных лет он так возлюбил Господа, что решил посвятить служению Ему всю свою жизнь. Приняв монашеский постриг, он странствовал по святым местам. В Иерусалиме преподобный Иоанн поклонился Живоносному Гробу Господню, а затем отправился в Сукийскую Лавру преподобного Харитона Исповедника († ок. 350; память 28 сентября), называемую «Ветхой Лаврой». Ветхая Лавра находилась в пустыне, недалеко от Вифлеема и Мертвого моря. Название «Ветхой» она получила потому, что была самой древней

обителью в Палестине. Первый храм обители находился в пещере. Святой Иоанн, придя в Ветхую Лавру, поселился в этой пещере, поэтому был прозван «ветхопещерником». Преподобный Иоанн своей жизнью подражал великим древним постникам. Непрестанными всеобщими бдениями и памятованием о смерти он достиг высокого духовного совершенства. За свою добродетельную жизнь святой Иоанн был удостоен пресвитерского сана. Богослужения он совершал в пещерном храме. Преподобный Иоанн Ветхопещерник мирно скончался в старости.



ПРИЛОЖЕНИЕ

МЕСЯЦА АПРЕЛЯ В 19-й ДЕНЬ

Святѣя праведныя Матроны Московскія

НА ВЕЛИЦЕЙ ВЕЧЕРНИ

Блажен муж: 1-й антифѳон.

На Господи, воззвах: стихіры праздника 3 и святѣя 5.
Аще кроме праздника, стихіры святѣя на 8, глас 6.

Подобен: Все отложше:

Богоблаженная мати Матроно, / ты, дневнаго света
не познавши, / светом невечерним озарилася еси /
и, со ангельскими лики водворяющися, / прославляе-
ши Святую Троицу, / Юже моли непрестанно // просве-
тити ны, душевными очима ослепленные.

Боголюбивая старице Матроно, / ты, от Господа дар
прозрения приемши, / сокровенная сердец человече-
ских ведала еси / и, будущая, яко настоящая, прорица-
юще, / заблуждшия ко Христу привела еси, / Егоже
моли непрестанно // спасти и просветити души наша.

Вся, яже в мире сем, отринувши / и изгнана бывши
правды ради, / странница на земли явилася еси, / не
имущи, где главу поклонити, / Христу, Спасителю
нашему, подобящися, / блаженная мати Матроно, /

Царствія Небѣснаго достѣгла еси,/ идеже несть болѣзнь, ни печаль, ни въздыханіе,/ но со ангельскими лики водвореніе// и жизнь безконечная.

Ины стихиры, глас 2.

Подобен: Егда от Древа:

Егда година лютая земли наша приспѣ/ и жизнь верных власти безбожных предадѣся,/ ты, блаженная,/ по весем и градом скитающися,/ правую веру небоязненно и дерзновенно/ в людех утверждала еси/ во еже коемуждо, Бога взыскующему,/ ненаветну от сил вражиих быти// и спасеніе улучити.

Внегда умрѣти ми,/ к мѣсту моего упокоенія притецѣте/ и о потребнем вам рцѣте,/ аз же, яко жива сущи,/ потщуся Господа умоляти/ вся полезная вам даровати./ Тако с любовью/ к тебѣ притекающим рекла еси,// старице Матроно блаженная.

Егда ти приспѣ время юдоль плачевную оставити/ и от земных в Небесная вселитися,/ телу же твоему погребену быти,/ тогда реченная тобою сбѣсться./ Все бо роди православных/ к мѣсту погребенія твоего притекаху/ и, потребная себѣ просяще,/ непостыдно сіе улучаху,// Матроно, богоблаженная мати.

Слава, глас 6:

Днесь торжествует обитель Покрова Пресвятыя Дѣвы Богородицы,/ днесь радуется славнейший град Москва,/ и вси людие Россійстии ликовствуют,/ яко даровася нам многоценное сокровище,/ честныя и многоцелѣбныя мѣщи твоя,/ старице Матроно,/ подают бо всем приходящим благодатную помощь:/ болѣзней исцеленіе и зол избавленіе,/ грехов прощеніе и душевное исправленіе./ Тѣмже благодарственно возвеличим Господа,/ прославляющаго святыя Своя// и дарующаго тобою нам велию милость.

И ныне, праздника или Богородичен:

Кто Тебѣ не ублажит:

Вход. Прокимен дне. И чтенія.

Бытія чтѣніе (глава 18):

Приблѣжився Авраамъ, рече:/ погубиши ли праведнаго с нечестивым/ и будет праведник яко нечестивый?/ Аще будут пятьдесят праведницы во граде, погубиши ли я?/ Не пощадиши ли всего места пятидесяти ради праведных, аще будут в нем?/ Никакоже Ты сотвориши по глаголу сему,/ еже убить праведника с нечестивым,/ и будет праведник яко нечестивый: никакоже./ Судяй всей земли, не сотвориши ли суда?/ Рече же Господь:/ аще будут в Содомех пятьдесят праведницы во граде,/ оставлю весь град и все место их ради./ И отвещав Авраамъ, рече:/ ныне начах глаголати ко Господу моему,/ аз же есмь земля и пепел:/ аще же умалятся пятьдесят праведницы в четыредесять пять,/ погубиши ли четыредесяти пятих ради весь град?/ И рече: не погублю, аще обрящу тамо четыредесять пять./ И приложит еще глаголати к Нему, и рече:/ аще же обрящутся тамо четыредесять?/ И рече: не погублю ради четыредесяти./ И рече: что, Господи, аще возглаголю?/ Аще же обрящется тамо тридесять?/ И рече: не погублю тридесятих ради./ И рече: понеже имам глаголати ко Господу:/ аще же обрящутся тамо двадесять?/ И рече: не погублю, аще обрящутся тамо двадесять./ И рече: что, Господи, аще возглаголю еще единою?/ Аще же обрящутся тамо десять?/ И рече: не погублю десятих ради./ Отыде же Господь, яко престав глаголя ко Аврааму,/ и Авраам возвратися на место свое.

Пророчества Иоилева чтѣніе (глава 2):

Рече Господь:/ уведите, яко посреде Израиля Аз есмь,/ и Аз Господь Бог ваш,/ и несть иного, разве Мене;/ и не посрамятся ктому людие Мой во век./ И будет по сих,/ и излию от Духа Моего на всяку плоть,/ и прорекут сынове ваши и дщери ваша,/ и старцы ваши сония узрят,/ и юноты ваши видения увидят:/ ибо на рабы Моя и на рабыни Моя во дни оны излию от Духа Моего/ и дам чудеса на Небеси и на земли, кровь и огонь и курение дыма./ Солнце обратится во тьму и

лунá в кровь,/ прѣжде нѣже приити́ дню Господню великому и просвещенному./ И будет, всяк, иже призовет имя Господне, спасется,/ яко в горѣ Сионе и во Иерусалиме будет спасаемый, якоже рече Господь,/ и благовествүемии, ихже Господь призвá.

Премудрости Соломоновы чтение (глава 3):

Праведных души в руце Божией,/ и не прикоснется их мука./ Непщевани быша в очесех безумных умерти,/ и вменися озлобление исход их,/ и еже от нас шествие сокрушение,/ они же суть в мире./ Ибо пред лицем человеческим аще и муку приимут,/ упование их безсмертия исполнено:/ и, вмале наказани бывше,/ великими благодетельствовани будут,/ яко Бог искуси я и обрете их достойны себе./ Яко злато в горниле, искуси их/ и, яко всеплодие жертвенное, прият я./ И во время посещения их возсияют/ и, яко искры по стеблию, потекут./ Судят языком, и обладают людьми,/ и воцарится Господь в них во веки./ Надлежащие Нань разумуют истину,/ и вернии в любви пребудут Ему./ Яко благодать и милость в преподобных Его,/ и посещение во избранных Его.

На литии стихиры, глас 7:

Времени лютому во отечестве нашем приспевшу,/ явшася мнози мученицы и исповедницы Христовы./ Матрона же, старица блаженная,/ яко мученица безкровная,/ изгнания, скитания, уничижения,/ глад велий и жестокий хлад претерпела/ и верность Господеви/ даже до часа смертнаго сохрани./ Ныне, яко и прежде, нас научает/ богоугодное и праведное житие на земли являти// и присно со Христом быти.

Приходящим к тебе, блаженная старице Матроно,/ дерзновенно возвещала еси:/ оскудение веры в людех/ многия беды несет,/ сего ради покаяние о гресех/ пред Господом подобает приносить/ и молитвы усердные/ присно Тому творити,/ да не гневом Своим/ с лица земли истребит ны,/ но да веру правую исповедующе,/ велелепно прославим на земли// жизнь и щедроты нам Даровавшего.

Сла́ва, глас то́йже:

Аще не стои́т селѣние без пра́ведника,/ не устои́т земля́ Ру́сская, оскуде́вши благоче́стием./ Си́це наставля́ла еси́, пра́ведная Матро́но,/ лю́ди заблуждши́я,/ моля́щихся усер́дно, // да поми́луе́т Госпо́дь зе́млю Ру́скую.

И ны́не, пра́здника или́ Богоро́дичен, глас то́йже:

О Пресвята́я Влады́чице, Де́во Богоро́дице!/ О́браз Твой, Взыска́ние поги́бших имену́емый,/ тща́нием Матро́ны пра́ведныя написа́ся/ и к по́льзе ве́рных во храм Успе́ния Твоего́ принесе́ся,/ да вси, взира́юще на́нь,/ наде́жду твёрдую́ и́мут на Тя./ Взыщи́ и на́ша ду́ши, Богома́ти,/ во мра́це грехо́внем блужда́ющия, // Твои́м предста́тельством и моли́твами Матро́ны блаже́нныя.

На стихо́вне стихи́ры, глас 5.

Подобен: Ра́дуйся:

Ра́дуйся, оби́тель Пречи́стыя Богоро́дицы,/ иму́щи в себѣ сокрови́ще неисто́щимое,/ честны́я мо́щи блаже́нныя Матро́ны./ Сия́ бо, све́та дневно́го не позна́вши,/ духо́вное же зрѣние от Бо́га приѣмши,/ да́ром прозрѣния и исцелѣния обогати́ся,/ науча́ет ны, грѣшны́я,/ ка́ко подоба́ет спасти́ся/ и получи́ти в День су́дный от Го́спода // прощѣние грехо́в и ве́лию ми́лость.

Стих: Госпо́дь решит окованны́я, // Госпо́дь умудря́ет слепцы́.

Ра́дуйся, избра́нный сосу́де Свята́го Ду́ха,/ Небѣсная жи́тельница,/ немощны́м челове́ком помо́щице/ и ко спасѣ́нию путево́дительнице,/ блаже́нная стари́це Матро́но./ Ты бо, прозира́ющи гряду́щая, я́ко настоя́щая,/ мно́гия лю́ди от грехо́внаго путя́ обрати́ла еси́/ и ко Христу́ привела́ еси́./ Испроси́ от Го́спода и нам, согрѣша́ющим, // грехо́в оставле́ние и ве́лию ми́лость.

Стих: Возведо́х о́чи мой в го́ры, // отню́ду же при́дет по́мощь моя́.

Ра́дуйся, на враги́ непобеди́мая вои́тельница,/ ко́зни их всегда́ разруша́ющая/ и на жи́зненнем путя́ нас

укрепляющая,/ крѳткая обличительнице пороков наших./ Предстоящи ныне Престѳлу Царя Небесных воинств,/ испроси нам, предѳбрая матери,/ память твою верно почитающим,// прощѳние грехѳв и велию милость.

Слѳва, глас 6:

Приидите, прославим песненными хвалами и чистым сердцем/ блаженную мать нашу Матрѳну,/ яже во дни безбожия и гонѳния/ непоколебимый столп благочѳстия и веры бысть,/ в немощном телесѳ сущи,/ силу Бѳжия благодѳти показѳ/ и многия люди ѳкрест еѳ к Бѳгу приведѳ,/ к покаянию и молитве о земли Россѳйстей всех призвѳ/ и, тако сонм святых Московских исполнивши,/ явѳся присная о нас пред Бѳгом печальница// и теплая молитвенница.

И ныне, праздника или Богородичен, глас тойже:

Богородице, Ты еси лозѳ истинная,/ возрастившая нам Плод животѳ,/ Тебѳ молимся:/ молися, Владычице,/ со апѳстолы и праведною Матрѳною,// помиловать души наша.

Тропѳрь, глас 2:

Бѳгом умудренную блаженную старѳцу Матрѳну,/ земли Тульския процветѳние/ и града Москвы преславное украшѳние,/ восхвалим днесь, вернии./ Сия бо, свѳта дневнаго не познавши,/ свѳтом Христовым просветѳся/ и даром прозрѳния и исцелѳния обогатѳся./ Пресельница же и странница на земли бывши,/ ныне в чертозах Небесных Престѳлу Бѳжию предстоит// и молится о душах наших.

Слѳва, и ныне, праздника или Богородичен.

НА УТРЕНИ

На Бог Господь: тропѳрь праздника, дважды. Слѳва, святых. И ныне, праздника. Аще кроме праздника, тропѳрь святых, дважды. Слѳва, и ныне, Богородичен.

По 1-м стихословии седален, глас 8:

Мо́щи твоя́ источа́ют всем боля́щим исцелéние,/ приходя́щим ве́рою и прося́щим посещéния твоегó,/ ма́ти пра́ведная и досточúдная Матро́но./ Тёмже тво́ими моли́твами испроси́ и нам ве́лию мýлость.

Сла́ва, и ны́не, прáздника или́ Богородичен:

Ра́дуйся, А́нгелом ра́дость ми́ра приéмшая,/ ра́дуйся, ро́ждшая Творца́ Твоегó и Го́спода,/ ра́дуйся, сподобля́ющаяся бы́ти Ма́ти Бо́жия.

По 2-м стихословии седален, глас 6:

Прииди́те, ве́рных мно́жества,/ днесь пра́ведную ста́рицу благочéстно восхва́лим,/ и́стинную угóдницу Христову, полкí бесóв отгна́вшую,/ ны́не же со А́нгелы ликовствую́щую и Христу́ непреста́нно моля́щуюся,/ и с любóвию той возопи́м:/ не забúди нас, ра́дос-те на́ша, ма́ти блаже́нная Матро́но,/ восхваля́ющих и чтúщих свящéнную па́мять твою́.

Сла́ва, и ны́не, прáздника или́ Богородичен:

При́зри на нас, недúгующих, Всенепорóчная,/ и исцели́ болéзнь на́ша душе́вные, вку́пе же и телéсныя,/ да возвели́чим Тя, возвели́чившую все челове́чество.

Велича́ние: Велича́ем тя,/ свята́я пра́ведная ста́рице Матро́но,/ и чтим святúю па́мять твою́,/ ты бо мо́лиши о нас// Христа́, Бо́га на́шего.

Псалом избранный:

Блаже́нни непорóчнии в путь,/ ходя́щие в закóне Господни.

Блаже́нни испытáющие свидéния Егó,/ всем сёрдцем взы́щут Егó.

Благословéн еси́, Го́споди,/ научи́ мя оправдáнием Тво́им.

Вразуми́ мя, и испытáю закóн Твой/ и сохраню́ и́ всем сёрдцем мо́им.

Глаго́лах о свидéниях Тво́их пред царí/ и не стыд́яхся.

Боя́щиеся Тебе́ ўзрят и возвеселя́тся, / я́ко на слова́ Твоя́ упова́х.

Во век, Го́споди, сло́во Твое́ / пребыва́ет на Небеси́.

Жива́́ будет душа́ моя́ и восхва́лит Тя / и судьбы́ Твоя́ помо́гут мне.

По полиелѣи седален, глас 4:

Рука́ Госпо́дня кре́пце веде́ тя путе́м ве́ры, / сего́ ра́ди сквозе́ те́рния и волчцы́ нечестія́, на земли́ на́шей обильно́ прозя́бшия, / невреждѣ́нно возшла́ еси́ в Небе́сныя оби́тели, ма́ти Матро́но блаже́нная.

Сла́ва, и ны́не, пра́здника или́ Богоро́дичен.

Та́же степѣ́нна, 1-й антифо́н 4-го гла́са. Прокі́мен, глас 4: Го́споди, открѣ́й о́чи мой, // и уразуме́ю чудеса́ от зако́на Твоего́. Стих: Отврати́ о́чи мой, е́же не ви́дети суе́ты, в путе́ Твое́м живи́ мя. Вся́кое дыха́ние: Ева́нгелие от Матфе́я, зача́ло 104.

По 50-м псалме́ стихі́ра, глас 6:

Свята́я сла́вная ста́рице Матро́но, / гра́да Москвы́ похвало́ / и Руси́ святы́я моли́твеннице, / в многоразли́чных ну́ждах нам помози́, / коему́ждо поле́зная да́рующи // во спасѣ́ние душ на́ших.

Кано́н пра́здника или́ Богоро́дицы на 6 и святы́я на 8.

Кано́н святы́я, глас 8.

Песнь 1

Ирмо́с: Во́ду проше́д, я́ко су́шу, / и егѣ́петскаго зла́ избежа́в, / израи́льтянин вопия́ше: // Изба́вителю́ и Бо́гу на́шему по́йм.

Бо́же Всеми́лостиве, сподо́би ны, недосто́йныя, / воспѣ́ти уго́дницу Твою́ Матро́ну, / на́шу изрядную́ пред Тобо́ю ходата́ицу и моли́твенницу.

Любо́вию ко Христу́ от младе́нческих пеле́н уязви́лася еси́ / и Тому́ неле́нною в жити́и твоѣ́м служи́ла еси́, ма́ти блаже́нная.

Изра́нный сосу́д Ду́ха Свята́го яви́лася еси́, / благода́ть бо Бо́жию от святы́я купѣ́ли до конца́ дний твои́х / при́сно усер́дно возгрева́ла еси́, ма́ти блаже́нная.

Богорóдичен: Архангельски песнь Тебѣ поѣм, Чистая:/ радуйся, Обрадованная, Маріе, Мати Христá Бóга,/ прісно молящаяся за род наш.

Песнь 3

Ирмос: *Небѣснаго кру́га Верхотворче, Гóсподи,/ и Цѣркве Зиждѣтелю,/ Ты менѣ утверди́ в любви́ Твое́й,/ желáний кра́ю, вѣрных утверждѣние, // Едѣне Человеколю́бче.*

Житиѣм богоугóдным и прáведным освяти́лася еси́, мати́ блаженная,/ тѣмже и нам, с вѣрою к тебѣ прибега́ющим,/ помози́ благодáти Бóжия исполнитися.

Христá Человеколю́бца, Егóже от юности твоея́ возлюбѣла еси́, мати́ святáя,/ моли́ утверди́тися нам на камени́ заповедей Егó.

Цѣркве Зиждѣтель Госпóдь/ светообразное чадо церковное содела́ ты, прáведная мати́,/ и в любви́ Сво́ей утверди́ ты, я́ко Человеколю́бец.

Богорóдичен: Небеси́ и земли́ Царѣце, Богорóдице Дѣво,/ и Цѣркве покрóве всемо́щный,/ утверди́ обитель сию́ непоколебѣмо во благочѣстии пребывáти.

Конда́к и ѣкос прáздника.

Седáлен, глас 4:

По ѣмени твоему́, Матрóно блаженная, житиѣ твоѣ бысть,/ скитáния бо, поношѣния и скóрби ни во что же вмени́вши,/ госпожа́ явилася еси́ не тóкмо ѣменем, но и дýхом./ Тѣмже и вся потребная Цáрствія ради́ Бóжия стяжа́ла еси́/ и Бóгом обогати́лася еси́.

Слáва, и ны́не, прáздника или́ Богорóдичен:

Ны́не, радуйся, Тебѣ зовѣм, Влады́чице,/ грѣшником погибáющим исправлѣние/ и нам, велича́ющим Тя, спасѣние.

Песнь 4

Ирмос: *Услы́шах, Гóсподи,/ смотре́ния Твоегó таинство,/ разумѣх дела́ Тво́я// и прослáвих Твоѣ Божество́.*

Смотрѣние Бóжие на тебѣ особь явлено бысть, мати́ блаженная,/ я́ко слепá и нѣмощна тѣлом сýщи,/ даром

прозрѣнія и чудес обогатѣлася еси/ и венцемъ нетлѣнным от Господа украсѣлася еси.

Мудрѡванія плотскѡя презрѣла еси, блаженная,/ обаче мудростию, еюже Господь умудряет слепцы,/ изрядно обогатѣлася еси.

Яко алавастр мѣра, облагоухающ предѣлы Россійския,/ вѣмы тя, Матрѡно праведная,/ стекаются бо к тебѣ со всех концов людеи земли нашея, заступлѣнія просяще.

Богорѡдичен: Блажим Тя, вси рѡди, Пресвятѡя Дѣво,/ погибѡющихъ взыскующую, немощныхъ врачующую и сирыхъ заступающую.

Песнь 5

Ирмос: Просвети нас повелѣнии Твоими, Господи,/ и мѣщицею Твоею высокою/ Твой мир подаждь нам, // *Человеколѡбче.*

Христос, Свет Истинный,/ ум твой, святѡя мѡти, просветилъ есть к разумѣнию повелѣний Его,/ тѣмже служити Ему в житий твоѣм усердно потщѡлася еси.

Светом Христовымъ озарѣема,/ в мѣре сем, безбѡжнем и грехолѡбивем,/ явилася еси яко столп ѡгнен, светѡй во тѣме, праведная Матрѡно.

Яко звезда многосветлая, возсияла еси в житий твоѣм, праведная Матрѡно,/ указующи истинный путь людем заблуждшим./ Сѣце и ныне, в Небесныхъ обителех водворившися,/ моли просветити и спасти дѡши наша.

Богорѡдичен: Свет рѡдшая Божественный и Превѣчный, Богоневѣсто,/ разреши мглу прегрешений нашихъ.

Песнь 6

Ирмос: Молитву пролию ко Господу/ и Томуъ возвещу печѡли моя,/ яко зол дѡша моя исполнися/ и живот мой аду приближися,/ и молюся, яко Иѡна:// от тли, Бѡже, возведи мя.

Молитвы присно к Бѡгу возносящи,/ вся нѡжды и печѡли Томуъ возвещѡла еси, праведная мѡти,/ и, яко Иѡна во чрѣве кѣтове, в скорби велией вопияла еси:/ Бѡже, из глубины зол возведи мя.

Помощию Бóжиею вся нўжды смиренне претерпѣвши, праведная Матрѡно,/ вражїю сілу молитвою твоєю победїла еси./ Тѣмже, ныне неоскўдно благодать Христову приѣмши,/ молися, еже от злодѣйства диавольскаго нам избавитися.

Многими подвиги твоими, праведная Матрѡно, стала еси противу козней диавольских,/ брань ведўщи с миродержителем тьмы вѣка сегѡ./ Тѣмже о нас ныне молися, да приѣмем вся оружїя Бóжїя/ и возможем противитися во дни лютыя духовѡм злѡбы поднебесным.

Богородичен: **А**да и смѣрти Победїтеля рѡждшая, Пречїстая Дѣво,/ моли Гѡспода и Сына Твоегѡ/ врагѡв злодѣйствїя нас избавити.

Кондак, глас 7:

Кслуженїю Христову/ от чрева матерня предызбранная,/ праведная Матрѡно,/ стезею скорбей и печалей шествующи,/ твѣрдую веру и благочестїе явивши,/ Бѡгу угодила еси./ Тѣмже, почитающе память твою, молим тя:/ помози и нам в любви Бóжїи пребывати, // старїце блаженная.

Песнь 7

Ирмос: **О**т Иудеи дошедше, ѡтроцы/ в Вавилѡне иногда/ верою Трѡическою пламень пещный попраша, поюще:// *отцев Бѡже, благословен еси.*

Возгорѣся нечестїе в землї нашей,/ яко пламень дрѣвле в пещї вавилѡнстей,/ веру отеческую в людех тщящееся попалити,/ ты же, блаженная, приходящих к тебѣ научала еси верою воспевати:/ *отцев Бѡже, благословен еси.*

Богопротивни мучїтелие, от закона Бóжїя отступльшии,/ огонь гонений во странѣ нашей возжгѡша,/ ты же, праведная Матрѡно, приходящим к тебѣ сілою Христовою росу духовную подавала еси,/ да не попалены до конца бѣдут, но присно воспевают:/ *отцев Бѡже, благословен еси.*

Ангелу Бóжїю,/ в пещї вавилѡнстей отроком дрѣвле пламень ѡгненный угасившему,/ уподобилася еси,

блаженная,/ российским бо людем во дни нечестия
 молитвами твоими/ от злобужнаго языковредия не-
 врежденным быти споспешествовала еси, научаючи
 зывати:/ отцев Боже, благословен еси.

Богородичен: К покрову Твоему прибегаем, Дево,
 купино неопалимая,/ грехи наша, яко терние зло-
 вредное, попали молитвами Твоими,/ да чистым серд-
 цем зываем:/ отцев Боже, благословен еси.

Песнь 8

Ирмос: Царя Небеснаго,/ Егже поют вси ангель-
 стии, // хвалите и превозносите во вся веки.

Царя Небеснаго измлада возлюбила еси/ и Тому до
 конца дней своих со тщанием служила еси, блажен-
 ная./ Ныне же с лики ангельскими присно поеши:/
 Господа пойте и превозносите Его во вся веки.

Заповеди Господни усердне соблюдаючи,/ столп
 благочестия России явилася еси, мати блаженная,/ я-
 коже о тебе предрече кронштадтский праведник,/ с
 нимже превозносиши Христа во веки.

Мнози людие российстии, плененнии безбожием,/ мо-
 литвами твоими, праведная Матроно, на путь спа-
 сения возвратишася/ и, в вере правей укрепившеся,
 Триединому Богу воспеша:/ Господа пойте и превоз-
 носите Его во вся веки.

Богородичен: Рождшую Царя Небеснаго,/ являша-
 гося в мир зыскати нас, погибающих,/ Тя, Богороди-
 це, величаем.

Песнь 9

Ирмос: Воистину Богородицу/ Тя исповедуем,/ спа-
 сеннии Тобою, Дево Чистая, // с безплотными лики Тя
 величающе.

О чудо велие, кости сухия источают исцеления/ и
 тленное естество дух наш к Нетленному Богу возво-
 дит./ Сего ради Матрону блаженную величаем.

Град Москву и обитель Покрова Пресвятыя Богоро-
 дицы,/ идеже почивают честныя мочи твоя, праведная
 Матроно,/ сохрани от всяких напастей и зол/ и утверди
 в правей вере и благочестии всех, почитающих тя.

Прими́ наше недостóйное молéние, Матро́но блаже́нная, / и, я́коже обеща́лася еси́, ходата́йствуй пред Го́сподем полéзная нам дарова́ти, / да с тобо́ю сподо́бимся в селе́ниях ра́йских сла́вити Святу́ю Трои́цу.

Богоро́дичен: И́стинную избра́нницу Твою́, Богома́ти, ве́мы Матро́ну блаже́нную: / сия́ бо в день почи́тания ико́ны Твоея́ Скоропослу́шницы роди́ся, / в хра́ме Успе́ния Твоего́ кресті́ся, / о́браз Твой Взыска́ние поги́бших тцáнием ея́ написа́ся, / та́же и те́лом во оби́тели честна́го Покро́ва Твоего́ почива́ет / и мо́лится о душа́х на́ших.

Свети́лен:

А́нгели пресвѣтлии вознесо́ша святу́ю ду́шу твою́, блаже́нная Матро́но, к Престо́лу Царя́ сла́вы, / иде́же торжеству́еши со все́ми святы́ми и мо́лишися о душа́х на́ших.

Сла́ва, и ны́не, пра́здника или́ Богоро́дичен:

Свет и́стинный ро́ждшая, Богоро́дице, / помраче́нных нас тьмо́ю грехо́вною просвети́ / и прича́стники ве́чных благ соде́лай.

На хвали́тех стихі́ры пра́здника 3 и святы́я 3.

А́ще кроме́ пра́здника, стихі́ры святы́я на 4.

Стихі́ры святы́я, глас 8.

Подобен: О, пресла́внаго чудесе́:

Прииді́те, ве́рнии, / ста́рицу блаже́нную Матро́ну вси согла́сно восхва́лим, / я́же в жити́и своём / попече́ние изря́дное о лю́дех показа́, / и ны́не прибега́ющим к ней благода́тная дея́ния явля́ет, / та́же, в ли́це святы́х водворя́ющихся, / Престо́лу Бо́жию при́сно предсто́ит // и мо́лится о спасе́нии душ на́ших.

При́сно в Бо́га богаты́щися, / благода́ти Бо́жия испо́лньшися, / мно́гия лю́ди, недужны́я те́лом, / здра́вы сотвори́ла еси́, / та́же проти́ву сил вра́жиих, / досажда́ющих душáм челове́ческим, / войте́льница дерзнове́нная / войсти́ну показа́лася еси́, // Матро́но, ста́рице богоблаже́нная.

Лишѣния, гонѣния/ и уничижѣния от безбѣжных,/ бѣды от срѣдник и блѣжих/ Христа ради претерпѣла еси,/ Емуже и жизнь свою ввѣривши,/ богоблажѣнная старѣце Матроно,/ о творящих тебѣ напасти/ дерзновенно молилася еси,// да в разум истины прийдут и спасутся.

Слава, глас и подобен тойже:

О, преславнаго чудесе!/ О, таинства неизреченнаго!/ Слепорожденная Матрона преславная,/ духовныма очима волю Божию прозирающая,/ тайная душ человеческих зрит/ и помощь изрядную, коемуждо потребную, подаёт./ Да кийждо, от нея благодѣяние приемый,/ Триединого Бога усердно прославит// и достойную хвалу Ему принесет.

И ныне, праздника или Богородичен:

О, преславнаго чудесе!/ Небесе и земли Царица,/ от святых срѣдников наших умоляемая,/ до ныне землю Русскую покрывает/ и лика Своего изображению милостивно обогащает./ О Владычице Державная!/ Не престани и на будущее время/ во утверждение на Русь Православия// милости и чудеса изливати до века. Аминь.

НА ЛИТУРГИИ

Служба праздника и святых.

Прокимен, глас 3: Господь Просвещение мое и Спаситель мой,// кого убоюсь? Стих: Господь Защититель живота моего, от кого утрашуся? Апостол к Галатам, зачало 208. Аллилуия, глас 6: Господь решит окованныя, Господь умудряет слепцы. Стих: Возведох очи мой в горы, отнюдуже придет помощь моя. Евангелие от Лукы, зачало 33. Причастен: В память вечную будет праведник:

Молитва

О блажѣнная мати Матроно, душею на Небесѣ пред Престолом Божиим предстоящи, телом же на землѣ

почиваючи и данною ти свѣше благодатию различная чудеса источаючи, призри ныне милостивным твоим оком на ны, грешныя, в скорбех, болезнях и греховных искушениях дни своя иждивающия, утѣши ны, отчаянныя, исцели недуги наша лютыя, от Бога нам по грехом нашим попущаемыя, избави нас от многих бед и обстояний, умоли Господа нашего Иисуса Христа простити нам вся наша согрешения, беззакония и грехопадения, имиже мы от юности нашея даже до настоящаго дне и часа согрешихом, да твоими молитвами получивше благодать и велию милость, прославим в Троице Единаго Бога, Отца, и Сына, и Святаго Духа, ныне и присно и во веки веков. **Аминь.**

Святая праведная Матрона Московская (Матрона Димитриевна Никонова) родилась в 1881 году в селе Себино Тульской губернии в богобоязненной крестьянской семье. Это село расположено в двадцати километрах от Куликова поля. Будучи слепой от рождения, Матрона с младенческих лет получила от Бога дарование духовного зрения, проникновения в тайны Промысла Божия. Благодать, почившая на ней, проявилась в дарах молитвы, духовного рассуждения, ведения, прозорливости. К ней рано стали обращаться за советом — сначала местные жители, а затем и приезжие из других краев. На семнадцатом году у Матронушки внезапно отнялись ноги и она навсегда лишилась возможности ходить; однако она никогда не роптала из-за своих недугов, смиренно неся крест, данный ей от Бога.

В 1925 году Матрона уезжает в Москву, ставшую местом ее подвижнического служения и праведной кончины. Преследуемая безбожниками, Матрона была вынуждена постоянно менять место жительства, находя приют в домах верующих. Нескончаемым потоком шли к Матронушке люди, жаждавшие духовного врачевания, наставления, молитвенной помощи. По ее молитвам совершались исцеления немощных, расслабленных, страждущих от бо-



лезней душевных и телесных. Ее пророчества и предсказания многим людям помогли избежать опасности и гибели, найти верный путь в непростых обстоятельствах. До наших дней сохранились многочисленные свидетельства об этих чудесных событиях.

После ее праведной кончины, последовавшей в 1952 году, к могиле

Матроны на Даниловском кладбище приходило множество людей, почитание почившей росло, совершались чудеса и исцеления. В 1999 году определением Патриарха Московского и всея Руси старица Матрона Московская была причислена к лику праведных для местного церковного почитания в г. Москве и Московской

епархии. Честные мощи блаженной почивают в Покровском ставропигиальном женском монастыре города Москвы. Память святой праведной блаженной Матроны Московской совершается в день ее преставления — 19 апреля, в день тезоименитства — 9 ноября, а также в соборах Московских и Тульских святых.



МЕСЯЦА АПРÉЛЯ В 30-й ДЕНЬ

**Святителя Игнатия,
епископа Кавказскаго и Черноморскаго**

НА МАЛЕЙ ВЕЧЕРНИ

На Господи, воззвах: стихиры на 4, глас 2.

Подобен: Егда от Древа:

Святителю Игнатие пречудне,/ бысть Фиваида
Российская земля северная,/ иноческих подвигов
и трудов твоих начало,/ идеже Подвигоположника
Господа Иисуса, // в молитвенном делании тебе укреп-
ляюща, обрел еси.

**Егда, в возраст пришед,/ начальник монахов соде-
лался еси,/ тогда обитель северная во имя Сергия
преподобнаго прият тя, отче,/ и тамо познал еси меру
скорбей великих и болезней тяжких,/ таже и утешен-
ия от присных братий твоих, и посещения явльшаго-
ся ти Духа Утешителя сподобился еси.**

**Страны южныя, близ Понта лежащая,/ послушани-
ем Святей Церкви достигл еси, отче,/ во святительском
звании твоём/ явился еси отец и наставник народов и
племен Кавказских, // жаждавших слова Христова.**

**Егда же время отшествия твоего приблизися,/ свя-
тителю Господень Игнатие,/ тогда во обители иночес-
тей на бреже Болжстем,/ труды слова и молитвы пола-
гая,/ со упованием к Богу отшел еси, // в Немже обрет
покой и мир мног.**

Слава, и ныне, праздника.